

Te Kaveinga tei 'Akapapa'ia



Social Cohesion Guide

Te turanga 'ātuitui'anga meitaki i roto i Aotearoa

Tei roto i teia pēapa, te rāvenga vāito'anga i te pu'apinga o te kaveinga, me kore ra, i te au mea te 'inangaro'ia nei, no te turanga 'ātuitui'anga meitaki i roto i Aotearoa. Na roto i te 'ōpara'anga i teia au turanga 'ātuitui'anga meitaki ki mua, e 'autu ei ta tatou 'akakoro'anga ma'ata, me kore ra, ta tatou 'ōrama, no teta'i Aotearoa, "te ngā'i te oraora ta'okota'i ra te 'iti tangata, te au kōpu tangata, e te au putuputu'anga 'oire tangata".

Ka kite tatou i te pu'apinga o ta tatou 'anga'anga no runga i te turanga 'ātuitui'anga meitaki, na roto i te vāito'anga i ta tatou e rave nei, na roto i te au 'akakoro'anga e rima, e āru mai nei:


1. Tei roto te 'iti tangata, kōpu tangata, e te au putuputu'anga 'oire tangata, i te turanga 'ātuitui'anga meitaki, e te turanga toketoke 'enua
2. Te 'inangaro nei, e ka rauka i te 'iti tangata, kōpu tangata, e te au putuputu'anga 'oire tangata, i te tomo ki roto
3. Tei roto te 'iti tangata, kōpu tangata, e te au putuputu'anga 'oire tangata, i te au mea te rave'ia nei, e te kite nei ratou i te au rāvenga tau no te katoatoa
4. Te 'akameremere'ia nei te 'iti tangata, kōpu tangata, e te au putuputu'anga 'oire tangata, no runga i to ratou 'uā'orāi turanga, ma te kauraro atu i teta'i
5. Te 'irinaki nei te 'iti tangata, kōpu tangata, e te au putuputu'anga 'oire tangata, i teta'i ki teta'i, e te au putuputu'anga 'iti tangata.

Te 'akakoro nei matou i te 'ōronga atu i te au rāvenga pu'apinga, no teia au tumu manako, no roto atu i ta matou 'anga'anga e rave nei. Na te mātūtū o teia au rāvenga, e tauturu i te vāito i te kaveinga, ki ta tatou 'ōrama ma'ata (koia 'oki, "te oraora ta'okota'i nei, te 'iti tangata, te au kōpu tangata, e te au putuputu'anga 'oire tangata").

Ka rauka katoa ia tatou i te 'akapu'apinga i te kaveinga o to tatou turanga 'ātuitui'anga meitaki, na roto i te 'anga'anga'anga i te ma'ani i te au ngā'i e no'o ana, e 'anga'anga ana, e kangakanga ana, e te tāmou 'āpi'i ana, te 'iti angata, kia ponuiā'au atu, kia 'ārikiriki, e kia turuturu. Tei roto i teia, te 'anga'anga i te ma'ani'anga, i te au turanga 'akateretere'anga, e te au turanga tauturu i roto i to tatou ora'anga tangata, kia tau no te katoatoa, e kia rauka i te tauturu i te au anoano tūkētūkē, e te au manamanatā.

E mea pu'apinga te parāni'anga, e te 'akapapa'anga kia 'autu, no reira matou i 'inangaro ei i te 'akamou, i ta matou 'anga'anga, me kore ra, i ta matou au 'oro'oro'anga, no runga i te turanga 'ātuitui'anga meitaki, ki roto i teta'i au tu'anga mama'ata e ono:

1. Te kōpae tangata, me kore ra, te rāvenga tūkē 'ua ake rāi, i te 'ākono'anga i te 'iti tangata, no runga i to ratou turanga 'iti tangata, mata'iti, turanga tāne/va'ine, turanga pakipakitai, turanga inangaro tāne/va'ine, me kore ra, i teta'i 'ua atu mea tūkē
2. Te au rāvenga pu'apinga no te au putuputu'anga tūkētūkē kia 'ātui'ia, e kia 'ārāvei
3. Te tomo'anga ki roto i te au 'oro'oro'anga pu'apinga, mei te 'iki'anga, te 'anga'anga-moni, me kore ra, te turanga 'āpi'i, e te vai atūra
4. Te ora'anga meitaki, e te au pāruru ki te ora'anga meitaki
5. Te turanga 'ārikiriki'ia, e te au mea 'inangaro'ia e te katoatoa
6. Te tāporoporo'anga i to tatou 'iti tangata, e te au mea e koropini ana ia tatou, no te uki o 'āpōpō



Te 'inangaro katoa nei matou, i ta matou 'anga'anga no runga i te turanga 'ātuitui'anga meitaki, me kore ra, te au rāvenga i roto i te au tu'anga e ono, kia arataki'ia e teta'i au 'irinaki'anga e 'ā

1. Te arataki'anga mātūtū, e te 'inangaro i te tāmamatata i te au rāvenga 'ōu
2. Te arataki'ia'anga e te au moemoeā, e te au anoano o te au putuputu'anga 'oire
3. Te tauūi'anga māmā ua, e te 'akameremere'anga i te tūkē o te tangata
4. Te au tātā'anga 'ārikiriki, e te kimikimi'anga kite, te 'akaāri ra i te au anoano tika.

E tau katoa kia arataki'ia ta matou 'anga'anga, me kore ra, au 'oro'oro'anga, e Te Tiriti o Waitangi, te 'ōronga ra i teta'i tango mātūtū, no te 'akamātūtū'anga i te turanga 'ātuitui'anga meitaki i roto i Aotearoa.

Ka tauturu te kauraro'anga ki raro ake i Te Tiriti o Waitangi ia matou, i te 'akatupu'anga i te 'irinaki o te au putuputu'anga 'oire tangata, kia rauka ia matou i te 'anga'anga ta'okota'i, kia tau te 'akakoro'anga no te katoatoa, pērā tikāi na roto i te au tu'anga tei tāto'u'ia.

Te 'akamārama atu nei te katoa'anga o teia pēapa, i te kaveinga, te ka arataki i ta matou 'anga'anga, no runga i te turanga 'ātuitui'anga meitaki i roto i Aotearoa.

